



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 191. Oratio ejusdem ad Synodum.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

Sæcul. XV producitur, sed detrectato iterum jure
 A.C. 1416. jurando reliqui contra ipsum prælecti
 fuere articuli. Denique postquam ad
 omnia, partim afferendo, partim negan-
 do responderat, Patriarcha Constantino-
 politanus ad Hieronymum conversus di-
 xit, quamvis per documenta oppido gra-
 via, & per testes omni exceptione ma-
 jores de hæresi convictus sis, nihilomi-
 nus sive accusationes tibi objectas dilue-
 re, sive errores retractare velis, semper
 plena tibi conceditur loquendi copia. Si
 vero in tuis erroribus contumax persi-
 stere malis, scito, omni legum rigore in
 te processum iri.

§. CXCI.

*Oratio Hieronymi Pragensis in Sy-
nodo.*

Vander
Hardt to. 4.
p. 752. &
seq.

Usus est Hieronymus data sibi dicendi
 copia, questusque in quadam oratio-
 ne fatis prolixa de injustitia sibi a Syno-
 do irrogata, eoquod novos ei assignasset
 Commissarios, repulsis prioribus, inno-
 centiæ suæ consciis, declaravitque, se
 hosce tanquam judices in Cathedra pe-
 stilentiæ sedentes rejicere. Multis enco-
 miis celebravit Joannem Hufsum, Vi-
 rumque sanctum deprædicans dixit, se
 duntaxat Constantiam venisse, ut Husso
 suppetias ferret, dolere autem vehemen-
 ter,

ter, quod hoc officio non tam strenue
perfunctus fuisset, additque, se solum-
modo terrore supplicii ignis adactum,
condemnationi doctrinæ Wiclefi, ac Jo-
annis Husli, contra conscientiam suam,
ac summa ignavia consensisse, nunc ve-
ro suam imbecillitatem graviter abomi-
nari.

Sæcul. XV.
A.C. 1416.

§. CXII.

Suam abjurationem revocat.

Tandem testatus est, se suam revoca-
Ibid. p. 761.
tionem tanquam atrocissimum, quod
unquam commisisset, scelus detestari,
ac cum Wiclefi & Joannis Husli doctri-
na non minus sana ac pura foret, quam
horum vita sancta, omnisque culpæ
exors fuerit, se ideo illi usque ad ulti-
mum vitæ halitum inhæsurum. Ex o-
mnibus Wiclefi opinionibus, quas ado-
ptavit, eas tamen, quas hæresiarcha iste
de Sacramento Altaris docuit, se pro-
bare negavit. Facta hac revocatione,
ad quam ab Huslitis suam ipsi inconstanti-
am exprobrantibus compellebatur, ad car-
ceres reductus est, ubi etiam hæsit usque
ad proximam sessionem rigesima die ejus-
dem Mensis Maij biduo post festum A-
scensionis celebratam, nam a die vige-
sima prima Novembris anni præteriti
nulla amplius habita est Sessio publica.

P 2 §. CXIII.